

آبونه شرائطی

ممالك عثمانیه ده سنه لکی (۶۵)،
آلتی آیلنی (۳۵) غروشدور،
ممالك اجنیه ده سنه لکی (۸۰)،
آلتی آیلنی (۴۵) غروشدور.

اراره مانه

باب عالی جاده سنده دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور. درج ایدله بن
یازیر اعاده اولونماز.



اخطارات

رساله مزدن آلدینی کوسترک
شرطیه بتون یازیر هر هانکی بر
غزته طرفندن اقتباس اولونه بیلیر.

مکتوبلرک، امضالری واضح
واوقوناقلی اولمسی و آبونه صره
نومروسی محتوی بولمسی لازمدور.

ممالك اجنیه ایچون آبونه اولانلرک
آدرس لرینک فرانسه ده یازلمسی
رجا اولنور.

پاره کوندردلرکی زمان نهیه دائر
اولدیفنک واضحاً بیلدیرلمسی رجا
اولنور.

دینی، فلسفی، علمی، ادبی هفته لاق مجموعه اسلامیه در.

اتبعون اهدکم سبیل الرشاد

صاحب و مدیر مسئول
اشرف ادیب

باش محرر
محمد عاکف

والله یهدی من یشاء الی صراط مستقیم

عدد ۳۵۹

۲۱ ذی الحجه ۱۳۳۴

پنجشنبه

۶ تشرین اول ۱۳۳۲

جلد ۱۴

قدر هر طرفدن مجاهد لر گلش، دنیانك هر طرفدن اعانه لر كوند ریلشدی، كه بواغانه اشتراك ایدن لر آرمسند هر درلو قهر واتضیق آلتند یاشایان اوفاق اوفاق جماعتلرده واردی . يك جزئی مقدارین سرد ایتش اولدینمز شو حقیقتلردن مقصد مركز خلافتك قیمتیله غازی محمد رشاد خان حضرتلرینك موقع معظمی حقند قارئاره بر فکر ویرمكد.

پتمه دی

شیخ صالح الشریف

دین و دولت

یاخود

خلافت و سلطنت

- انگلیز غزنه لرینه جواب -

وقتیله مصرده انگلیزلر طرفدن نشر اولسان بر چوق مجلار وار ایدی . بونلر اكثریسی احوال و مباحث اسلامیه ایله مشغول اولیورلردی ؛ دهها طوغریسی مسلمانلری مقام خلافتدن بتون بتون آیرمق صورتیه او مقام معظمك قوتی قیرمق ، اسلامی ضعه دوشورمك مقصدینی تعقیب ایدیورلردی . شبهه یوق كه بواغلرینه نائل اوله بيلمك ایچون دائمًا صورت حقندن كوروئمك لازم ایدی . وقتیله اولردن بری « جامعه اسلامیه » حقنده یازمش اولدینی مقاله ده شو سوزلری سويلشدی :

— « جامعه اسلامیه » نك وجوده كله بيلمسی دین ایله دولتی ، خلافتله سلطنتی بریندن آیرمه یه متوقف در . بونلر یكدیك رندن تفریق اولدیرق خایفه رئیس روحانی ؛ سلطانده رئیس سیاسی اولی ، آرتیق دین ایله علاقه سی قالمادی ...

انگلیز غزنه سی بونی یازدقندن صوكره ، اسلام محرر لرینك ده بوبایدی فكر لرینی بیان ایتلری ایستیوردی . وقتیله فرنكلر طرفندن لغرض اورتهیه آتیلاان بو فكر بعض كیمسه لرك ذهنلرنده بر طوئدینی جهتله بز اولادین ، دولت ، خلافت ، سلطنت لفظلرینك معنالنندن باشلا یه رقی بالآخره بو خصوصده کی فكریمیزی سويلك ایستیوروز .

دین

دین ، لغته اطاعت و انقیاد معنا سنه در . علمای اسلامیه « دین » ی شو صورتله تعریف ایدیورلر : دین ، بر قانون موضوع الهی در ، كه ذوی العتولی كندی اختیار و اراده لر یله ، حسن رضایله حال و استقبالده صلاح و فلاح سوق ایدر ؛ اولری سعادت دنیویه و اخرویة لرینه قانو و شدیرر . علمای اسلامیه كوره « دین » ك قواعد اساسیه سی اوچ شی دن عبارت در : تصحیح عقائد ، تصفیة اخلاق ، تهذیب اعمال . اعمال ده ایکی قسم اولوب بر قسمی عبادات ، بر قسمی ده معاملات در . احكام قضائیه ، احكام مدنیه ، احكام سیاسیه ، احكام حربیه معاملات قسمند داخل در . بناء علیه اصطلاح اسلامیده « دین » دنیوی

و اخروی بتون احكامه شامل بر معناده مستعمل در . یوقسه اوروپا اصطلاحنده اولدینی کی « دین » ایله « شریعت » باشقه باشقه معنالرده دكل در آنسیقلوپه دیده بیان اولوندیغه كوره مسیحیلرجه « دین » شو صورتله تعریف اولیور : « انسانك جناب حقه نسبتی حفظ ایدن ، یاخود اولنستك صفاتی بیان ایدن قوانینك هیئت مجموعه سندن عبارت در . » كوریلیور كه دیانت نصرانیة نك امور دنیویه ، احكام سیاسیه ایله علاقه سی یوق در . ذاتاً مشهور در كه : دیانت نصرانیة ، منتسبلرینك هر هانگی بر حكومت و سلطنته كال خضوع ایله سرفرو ایتهاری اوزرینه منی در . چونكه انجیلده ملوك وامرانك حكم و سلطنتی آنجق اجسام فانیه اوزرینه ، دینك سلطنتی ده یالكر ارواح اوزرینه اولدینی بیان ایدیلیور . بناء علیه عمومیتله بودین اربابجه هر هانگی بر سلطنته ویون أكمك ، كندیلرینه حكم ایدن هر شریعتیه منقاد اولق و جیبه دندر .

فقط « دین اسلام » بویله دكل در ؛ دین اسلام ، سلطنت و قوت اوزرینه مؤسس و شریعتی ایله بتون طله حكم ایتك اساسنه مبتنی در . عموماً بشرینك بودین ایله متدین اولماسی بواساس اوزرینه مؤسس اولماسنه مانع دكل در . چونكه نوع انسانك كندیلكندن امت واحده حاله كله بيلمسنه یول یوق در . بوغایه ، آنجق ایکی صورتله تأمین ایدیله بیلیركه اوده : رحمت اعتقاد ؛ برده بتون بشریتی مساوی قیلان رحمت حكم عادل در .

بناء علیه مسلمانلره واجب اولان : كندی دینلرنده اولیان كیمسه لرك حكم و نفوذینه ، سلطنت و حكومتنه سرفرو ایتمه ك در . اجنبی بر حكومت استقلال اسلامی یی پارچالامق ایچون بر طاقم جریانلر ایقاعنه باشلا یوب بلاد اسلامی یی استیلا یه قیام ایتدی ، آرتیق قادین ارلك بتون مسلمانلرك دشمنی یادفع و طرد ایتلری ، یاخود اك صوك نفرلری نخواستولونجه یه قدر چارپشملری واجب اولور . حتی مسلمانلرك اوزرینه ترتب ایدن و جیبه بو قدرله قلمنا ؛ بر یوزندن شرك و فتنه زائل اولوب ده ناس حق بر اعتقادك ، عادل بر حكمك رابطه سیله امت واحده حالنده اجتماع ایدنجه یه قدر نشر دین ، رفع لوا ی سلطنت ایچون سعی و غیرت ایتك درجه لرینه قدر جیقار . فقط اسلامك بو حرکتی هیچ بروقت بر تجاوز شكندده دكل در . اساساً دین اسلامده اكراه ، یعنی اجبار ممنوع در . « لا اكراه فی الدین ... لاینها ك الله عن الذین لم یقاتلوك فی الدین ولم یخرجوك من دياركم ان تبروهم و تقسطوا الیه من الله یحب المقسطین . »

درست :

دولت كلمه سی ایکی صورتله استعمال اولنور : بر كره بر مملكته حكم ایدن سلاله یه اطلاق اولنور . مثلاً امویه دولتی ، عباسیه دولتی ، عثمانی دولتی ، ایران دولتی ، روما دولتی کی .

برده حكومت و سلطنته اطلاق اولنور . مثلاً فرانسه دولتی دینیایرده بونكله فرانسلرك كافة ممالكنه حكم ایدن حكومت حاضره سی

مراد اولنور . ذاتاً حکومت لغت اصلیه سنده (حکم) نك مصدری در
وفصل خصوصت معناسنه تحکمدن براسم در . عرف واصطلاحده
ایسه سلطنت و اوسلطنته صاحب اولان رجالدن عبارت در .

مهرت :

خلافت کلهسی شرع اسلامیده علیه الصلاة والسلام افندیز
طرفندن امور دینی و سیاست دنیوییه حرس و محافظه خصوصنده
جناب پیغمبره نیابت معناسنه در . بناء علیه خلافت ، دینی و دنیوی
ایکی ریاستی بردن جامع در . امور عامه یی خلیفه یی تفویض ایتک
واجب در . احکامک معموله اولسی ایچون یا بالذات خلیفه دن ،
یا خود وکیلارندن صدور ایتسی لازم در . « احکام سلطانیه » ده بیان
اولوندیغه کوره خلیفه ایچون لزومی درکار اولان امور عامه اوندر .
تفصیلات آلمق ایسته ینلر اورایه مراجعت ایده بیایرلر .

سلطنت :

سلطنت ، سلطان لفظندن آلمه برکله در ، که دولت ، یا خود حکومت
مراد اولنور . دولت ، یا خود حکومتک اک بیوک حاکمنده سلطان
نامی وریلیر . کرک خلفاء امویه ، کرک فاطمیه ، کرک عباسیه دن
هیچ برینه سلطان دینلمه مشدر . بولقب آتچق ، خلافت عباسیه نك
دوچار ضعف اولدینی زمان حادث اولمش در . شویله که خلافت ضعیف
دوشهرک اطرافده کی مأمورلر خلیفه لره قارشق کله یی ، کندی رأی
مستبدانه لینه کوره حرکت ایتیه باشلا ییجه صرف کندی اختراعلری
اولان برطاقم القاب مطمنه ایله عظمت فروشلق ایتک ایستیورلردی .
بوجهتله خلافت مهمل بر عنوان حالی آلهرق آرتیق خلفانک یالکیز
خطبه لرده ذکر اولونمسندن ماعدانه دنیوی ، نه اخروی بر تأثیری
قالما یوردی . ایسته اطرافده کی والی و مأمورلرک خلفایه قارشق استقلال
کارانه طاعتقلری اومطنطن القابک بری ده (سلطان) لقبی در .
خلافت عباسیه دورنده کی مستقل امرادن اک اول بو عنوانی طاقینان
(محمود بن سبکتکین الغزنوی) در .

دین ، دولت ، سلطنت ، خلافت کله لینه دائر ویرمش اولدیغمز
شو تفصیلاتی تأمل ایدنلر نظرنده دین اسلامک مصالح و معاشی جامع ،
سلطنت ماده و روحیه اساسی اوزرینه مبتنی اولدینی پک واضح بر
صورته تجلی ایدر . حال بوکه دیانت نصرانیه بویله دکل در . اسلامده
خلیفه ، مسلمانلرک مصالح دینی و دنیوییه لرینی رؤیت ایدن ریئساری در .
مشروع اولان طاعتدن خروج ایدن هر هانکی بر حکومت شهراه
اسلامدن انحراف ایتش صاییلیر . حکومت و دولتی دین دن آیرمه یی
قائل اولمق : سلطنت اسلامیه نك کائناتدن قالمه سنده حکم ایتک ، شریعت
اسلامیه یی فسخ ایتک ، مسلمانلرک فاسق ، ظالم ، کافر نامی ویردکاری
کیمسه لره سرفرو ایتلرینی ایسته مک در .

چونکه اساس دین اولان قرآن کریم دائماً مسلمانلرک قولاقلرینه ،
دها طوهروسی روحارینه ندا ایدیور ؛ جناب حَقِّ کوندردیکی

شی ایله حکم ایتیه ینلرک کافر ، ظالم ، فاسق اولدیغی سویلیور : « ومن
لم یحکم بما انزل الله فأولئك هم الکافرون » ، « ومن لم یحکم بما انزل الله
أولئك هم الظالمون » ، « ومن لم یحکم بما انزل الله فأولئك هم الفاسقون » .

بوجهت آکلاشیلدقندن سوکره جامعه اسلامیه نك تأیید و تقویه سی
ایچون دینی دولتدن آیرمق ، سلطنت ایله خلافت یتنی تفریق ایتک
فکرلرینی اورتیه آتان انکلیزلره قارشق دیرزکه : اکر بودعوا کزی
الفساط مذکورده نك بزه کوره اولان معناسنی بیلمیه رک ایلری
سوریورسه کز . . . ایسته اونلرک معناسنی ایضاح ایتدک : بناء علیه
بودعوان واز کچیکز . زیرا ، سزده بیلیورسکیزکه ، اسلامی نصرانیته
قیاس ایتک ، قیاس مع الفارق در . چونکه سلطنت روحیه یی سلطنت
ماده دن آیرمق ذاتاً نصرانیته اصل و اساسی در . بو خصوصده
نصاری ایله بزه ، نقیضک ایکی طرفنده بولنیورز . چونکه بزه اونلرک
بوابده کی مسلکرینه سلوک ایده جک اولورسه ق هیچ شهره سر دینزک
نصفی ، که نصف دیگرک محافظ و مدافعی در ، ترک ایتش اولورز .
یوق ، یوق . . . بودرلو بر حرکتله دینک هپسده اضمحلاله
معروض قالیر .

هیچ شبهه ایتیه زکه : اسلامک حیات و بقای نامنه بزی دعوت
ایتدیکی کز طریق ، جامعه اسلامیه نك تشتی ایچون اک کسدرمه بریولدر .
شوحالده ناصل اولیورده بونی ، اسلامه اعاده حیات ایچون طوتوله جق
یکانه طریق اولهرق بزه کوستریورسکیز ؟ ناصیل اولیورده بزی
بو کر یوه ضلاله دعوت ایدیورسکیز ؛ بو ، اک بیوک عامل فلاکت
ایکن ناصل اولیورده سعادت اسلامک مداری اولدیغنه بزی اقناع
ایتک ایستیورسکیز ؟ ..

یوق ، اکر بودعوا کزی اوکله لرک بزه کوره نه معناده استعمال
اولوندیغی یقیناً بیلدیکی کز ، حقیقت حکم اوزرینه واقف اولدیغکیز
حالده محضاً بزی تشته دوشورمک ، غفتمزدن بالاستفاده انتریفه کزی
ندویر ایتک ایچون ایلری سوریورسه کز . . . امین اولیکیزکه بونده
یا کیلیورسکیز ؛ چونکه بزه طاری اولان ضعف و جهالت ، بزی هنوز
او درکده ایندیرمه مشدر .

اکثریا خرسیتان محررلرک بو موضوع اوزرنده اصرار ایتیه لرینه
یکانه سبب شو قناعتلری در :

« مسلمانلره مسیحیلر آرهنده کی تصبی ازاله ایدرک مساوات تأمین ایتک
شریعت اسلامیه نك حکم و سلطنتک زوالله وابسته در ، نه زمان شریعت اسلامیه نك
حکم و سلطنتی زائل اولورسه آرتق او زمان هرایی ملت و طنک اعلا ی شانی
خصوصنده اتفاق ایدرلر . دیگر طرفندن ده هر ملت صرف معنوی طرزده اولهرق
کندی دینته خدمت ایدر ؛ هر کس کندی دینک روحانی قسمی ترق ایتدیرمه یی
چالیشیر . بونده ملت ییتنده تنافر و تفاخری داعی برنی یوق در . »

بز بونلرک شو اعتقاد لرنده کی خطالری قولا ییجه کوستره بیایرز :
شریعت اسلامیه نك مناسی مسلمانلره ملل سازه ییتنده احکام و حقوقده
مساوات و عدالت قاعده سی اوزرینه قائم در . اسلام بونی خلفاً عن
سلف نقل ایده کلدیکی شو جمله ایله افاده ایتشدیر : « لهم لنا و عايمهم ما علينا » .
تاریخک شهادتندن آکلاشیلیورکه : حکومت اسلامیه نك شو قاعده یی

ایچون - آره صیرا موقع اقتداره کچن صاحبای ملوک استئنا ایدینانجه - سنتلری اقامه ، بدعتلری محو ایدمک بررئیس قالمادی . بو صورتله وحدت دینیته نك نسجی پارچه لایوب جامعه اسلامیته نك رابطہ سی دوچار تفرقه اولدی .

مسلمانلری بو کونکی حالدن قورتارارق مجد سابقلرینه اعلا ایتک ایچون مقام خلافتک عظمت و قدسیتی تمامیه محافظه ایتک و مسلمانلری سرأ و جهراً خلافتہ مطیع و منقاد یکپاره برکتله حالنده بولوندرمق لازم در .

شو حالده مسلمانلرک قوت و قدرت صاحبی اولایلملری ایچون مقام خلافتک وظیفه سنی تنصیف ایتک شویله دورسون ، بلکه اونی تقویه لازمدر . حال بوکه دین ایله دولت یکدیگرندن ایرلینی تقدیرده مسلمانلری مقام خلافت اطرافنده طویلايه حق بر واسطه قالمایه جفی کبی ، او مقامک وضع ایتدیکی احکام ایله عمله داعی بر قوه معنویه موجود اولمایه جغندن مسلمانلر ایچون کرک مادی ، کرک معنوی هیچ بر ترقیه امکان قالماز .

سابق مکة امیری حسین وهند مطبوعاتی

خليفة مسلمينه قارشى خروج ایدن سابق مکة امیری باغی حسینک بوسفیل حرکتی هندستانده طویولور طویولماز هر طرفده اجتماعلر عقد ایدلدى ؛ هر يردہ بو حادثه نی تلعين ایچون نطقلر ، خطبه لایراد اولندی . بر کره مطبوعات اسلامیة حسینک بویله بر زمانده خليفة مسلمينه قارشى عصیان ایلمسنى جهان اسلامک قلبنه توجیه ایدلمش بر خنجر اولق اوزرد تلقی ایتدی ؛ صوکره ، بالعموم هند اتحاد اسلام جمعیتی شعبه لری برلشهرک بو حرکت قاشی طورولماسنى ، طرفدارلرینه اعلان خصومت ایدلمسنى ، شریعت غرای اسلامیة نی تمکندن صارصه حق اولان بو عصیانى تأیید ایدمک بیله جک هر درلو مظاهرندن امتناع ایتمى ایچون حکومتہ مراجعتده بولونولماسنى تحت قراره آلدی . « اندیازمان » فرتہ سى اغستوسک دردنجی کونی چیقان نسخه سنده شوسوزلری سویلور : « هر نه قدر هندستانده کی انگلیز فرتہ لریله بعض مجوسى مطبوعاتی حجازده کی قیامی هند مسلمانلرینک منافعی نقطه نظرندن خیرلی برایش صورتنده تلقی ایدیورلر سده بو عصیان هندلیلرجه عمومی بر حسن قبوله مظهر اوله مادی . زیرا کورویورزکه : هند مسلمانلری بوقیامه اصلا طرفدار اولماقدن باشقه ، جمعیتلر عقدايدرك ، اتحاد اسلام شعبه لری برلشدره رک بر آغزندن شریف حسینک یاپدینی ایشلری پک آغیر برلسانله تقییح ایدیورلر ؛ اونک بویله بر زمانده قیامنه شریعتک اضرائی مؤدی اوله حق ، مسلمانلرک علوی امللرینی آلت اوست ایدمک بر خیانت ، بر کفر نظریله باقیورلر . بز افکار

رعایتی دینه تمسکنک درجه قوت وضعفنه کوره در . دینه تمسکی قوتی اولدینی زمانلر بوقاعده یه ده ا زیاده ، ضعیف اولدینی زمانلر بالعکس ده ا از رعایت ایتشدور .

حضرت عمرک داماد پیغمبری حضرت علی ایله بریهودی بی یان یانه او طورته رق محاکمه ایتمه سی ، حضرت علی نك ده خلیفه نك کندیسنه تعظیمی مشعر اولان « یا ابا الحسن » طرزنده کی خطابی مساواتی مغل کورم . ره ک انتقاد ایلمسنى ایله الیوم آوروپانک الکمدنی مملکتلرنده ، اوت حریت ، عدالت ، مساوات کله لرینی آغزلرندن دوشورمه یی یرلرنده اجانب ویرلیر حقنده تطبیق ایدیلر کلن معامله لری مقایسه ایدلر مسلمانلرک بدایت تشککلریله آوروپانک منتهای مدنیته آره سنده اولان فرق عظیمی یک نظرده آ کلامقدمه کوجلاک چکمیجه جکلی شهبه سزدر . ذاتا شریعت اسلامیة حد ذاتنده عادل در ؛ وطنداشلی اولان مسلمانلرک اوشریعتک سبای اولدیغنه اعتقاد ایتمه لری مسیحیلر ضرر ویرمک شویله دورسون ، بلکه ده بو اعتقاد اونلرک منفعتده در . مسیحیلر کورمه شرایع یننده فرق بوقی در ؛ چونکه اونلرک دینلری هر هانکی بر شریعتله حکم اولنورلر سه ، اوکا اتباع ایتلرینی کندیلرینه واجب قیلور .

ثانیاً : « جامعه اسلامیة » بی احیادن مقصدیز اولان ترقیات دینیة و مدنیة شهبه یوق که تهذیب اخلاقه و افرادک برلکده یشادقلری کیمسه لره قارشى اوزرلرینه ترتب ایدن حقوق و واجباتی حقیله ادا ایتمه سنه متوقفدر . بو ، هیچ کیمسه نك مخالفت ایتیه جکی برشیدر . شوراسی قطعاً معلوم در که : مسلمانلر ، شریعتلرنده مبین و اصول دینلرندن مأخوذ اولیان هیچ بر واجبه ، هیچ بر حقه معتقد دکلردر . بناء علیه دین ایله دولت یکدیگرندن ایرلینی کبی دولتک افراد اسلامیة قارشى تکلیف ایله دیکی واجبات حقوقک هپسی مسلمانلرک اعتقادینه کوره واجب الاتباع اولیان بر طاقم احکام قیلندن اولورکه بو کبی احکام قارشى رعایت ظاهری بر حرکتدر .

حال بوکه امتک تهذیب تمام اوله بیلیمک ایچون اونی قنالقردن منع ایدن ، اپی شیره سوق ایدن قوتک امتک نفسنده ثابت ، اعتقادنده مستقر اولسنى لازمدر . شو حالده مسیحیلر قارشى اک خیرلی جهت ، مسلمانلرک شریعت و دولتله حکم ایتلری در . چونکه بو ، اونلره قارشى احترام ، سرأ و جهراً اونلرک حقوقی ادا ایتمکی مسلمانلره واجب قیلور . دیگر صورتله هم مسیحیلر متضرر اولور ، هم ده مسلمانلر ترقی دن محروم قالیرلر ؛ بلکه ده کوندن کونه تذنی ایدرلر .

ناصیل که بو ، بالتجربه و بالمشاهده معلومدر .

تاریخ بزه کوستریورکه : امت اسلامیة عارض اولان ضعف و خلل ، وظائف خلافتی اهل و اونی حراست دین و سیاست دنیایی محافظه دن عبارت اولان معنای اصلیسندن حیقارمتله باشلامشدر . وقتا که خلافتک وظائفی اهل اولوندی ؛ خلافت معنای اصلیسندن حیقارلدى ؛ خلفا بر طاقم اسباب طولانیسیله شو ایکی وظیفه یی ادادن عجز وضعف کوستردیلر ؛ او زماندن اعتباراً امرای سیاست کوستر دکلی استبداد ایله ملوک و سلاطین شکلی آله رق حراست دین